



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
Općinska izborna komisija

Broj: 01-2/23

Datum: 20.01.2023.godine

Na osnovu člana 15. Poslovnika o radu OIK Tešanj, broj: 01-12/16 od 09.06.2016. godine, te Zaključka OV Tešanj, broj: 01-24-5-135-2/19 od 01.02.2019. godine, Općinska izborna komisija Tešanj na svojoj sjednici održanoj dana 20.01.2023 godine, d o n o s i

PREDMET: Izvještaj o radu OIK Tešanj za period 01.01.-31.12.2022. godine,

I NADLEŽNOST OIK Tešanj (Izborni zakon BiH čl. 2.13) je slijedeća

1. nadgleda rad općinskih organa u procesu provedbe izbora, a osobito proces registracije birača;
2. određuje biračka mjesta na području općine za glasanje na svim nivoima vlasti u BiH;
3. imenuje i obučava članove biračkih odbora;
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini;
5. obavještava birače o svim informacijama neophodnim za provedbu izbora, u skladu sa propisima Izborne komisije Bosne i Hercegovine;
6. odgovorna je za uređenje biračkog mjesta i druge tehničke pripreme za izbore;
7. odgovorna je za pravilno brojanje glasačkih listića na biračkim mjestima i u općinskim centrima za brojanje;
8. objedinjuje rezultate izbora sa svih biračkih mjesta u Općini, posebno za svaki organ za koji je vršen izbor, i dostavlja ih Izornoj komisiji Bosne i Hercegovine i
9. obavlja druge poslove u skladu sa zakonom i propisima Izborne komisije Bosne i Hercegovine.

Aktivnosti Centra za Birački spisak Općine Tešanj

- provjera funkcionisanja veza prema CIK I CIPS-u – svakodnevno,
- sedmični izvještaji CIK-u – svake sedmice,
- preuzimanje e-mail pošte pristigle internom e-mail vezom sa CIK (obrada, dostava OIK, dostava odgovora itd.) - po potrebi,
- praćenje i ažuriranje Biračkog spiska – svakodnevno,
- priprema podataka vezanih za Birački spisak,
- provjera ispravnosti uređaja i opreme Centra i otklanjanje nedostataka sa IT administratorima.
- drugi poslovi i zadaci na zahtjev CIK BiH i OIK Tešanj.

II RADNI DIO

Općinsko vijeće Tešanj je imenovalo 4 zamjenska člana OIK: Ivan Duvnjak, Sumeja Essidiri, Azra Bedak-Alić i Bećir Halilovic, dok je Adina Kotorić redovni član u mandatu 2019-2023.

Ako se imaju u vidu nadležnosti izbornih komisija onda se može uočiti činjenica da su osnovne aktivnosti pretežno vezane za izbornu godinu i sam izborni proces.

U periodu izvještavanja OIK Tešanj je održala ukupno 21 sjednica te pripremila Zapisnike sa održavanja istih. Nije bilo kršenja Poslovnika o radu, na sjednicama su prisustvovali svi članovi, a sve odluke su donošene jednoglasno.

Tokom izvještajnog perioda OIK Tešanj je donijela pet Odluka te druge akte u okviru svoje nadležnosti (odgovori, podaci, dopisi, zahtjevi, izvještaji...).

OIK Tešanj je u okviru svojih nadležnosti vršila slijedeće poslove i aktivnosti:

- Priprema i realizacija svih aktivnosti na provođenju Izbornog zakona 2022. godine koje su u potpunosti realizovane,
- OIK je definisala i radno vrijeme OIK u predizbornom periodu do dana izbora(svaki radni dan),
- Svi članovi i zamjenici BO su adekvatno obučeni, i sve izmjene koje su nastale prilikom odustajanja, su dostavljene CIK-u,
- Obuku pored članova OIK-a su vršili i certifikovani treneri kako bi BO bili kvalitetno obučeni za rad,
- OIK je pravovremeno informisala birače putem medija, web stranice, oglasnih ploča o toku izbornih aktivnosti, izlaganju izvoda iz CBS, određivanju lokacije BM, načinu provjere podataka o glasanju i slično,
- OIK komisija definisala kontrolore i supervizore za izbore te iste educirala od strane CIK,
- Izborni dan je prošao po protokolu, sa suradnjom CIK-a, gdje su sve planirane aktivnosti na vrijeme završene i poslone,
- Vođenje arhive i ostali poslovi

Nakon analize izvršavanja planiranih i zakonom propisanih aktivnosti može se zaključiti da su sve aktivnosti na provođenju izbora uspješno realizovane, prije svega uz puni angažman članova OIK-a, uz podršku općinskih i drugih relevantnih organa te osoba uključenih u izborni proces, što je imalo za rezultat uspješno realizovane izbore, bez primjedbi na rad članova OIK-a.

U izvještajnom periodu Općinska izborna komisija Tešanj je uzela obavezno aktivno učešće u radu od 3 edukacija, gdje se diskutovalo o novim izmjenama Izbornog zakona, kao i mogućim poteškoćama u izbornim procesima.

Redovno se ažuriraju, vode i kontrolišu evidencije, vodi arhiva i ostali poslovi iz djelokruga Izborne komisije te ostvaruje saradnja sa Općinskim načelnikom, službama političkim i drugim subjektima koji imaju dodira sa radom OIK-a.

U saradnji sa matičnim uredima pri Općini Tešanj kontinuirano se pribavljaju podaci o umrlim osobama u svrhu ažuriranja biračkih spiskova.

S tim u vezi, na traženje CIK BiH, te dostavljenog spiska osoba sa prebivalištem na području općine Tešanj koje su navršile 100 i više godina, a nalaze se na Centralnom biračkom spisku, izvršena je provjera i ažuriranje istih u saradnji sa matičnim uredom i koordinatorom Centra za birački spisak Općine Tešanj.

Putem Centra za birački spisak ostvaruje se svakodnevna elektronska komunikacija sa Centralnom izbornom komisijom BiH, prilikom koje se sve tražene informacije, akti te drugi podaci dostavljaju na njihov zahtjev i pravovremeno.

III FINANSIJSKI DIO

Sredstva za izbornu 2022. godinu su obezbijedena u budžetu u skladu sa zahtjevom OIK Tešanj.

U skladu sa članom 2.12 stav 9 Izbornog zakona BiH visinu naknade članovima OIK-a utvrđuje Centralna izborna komisija BiH svojim propisom. Odlukom Centralne izborne komisije BiH, broj: 05-1-07-1-407-5/16 od 28.04.2016. godine članovima OIK je utvrđena stalna mjesečna naknada u neizbornom i izbornom periodu.

U budžetskoj stavci za 2022. godinu planirano je ukupno 47.000,00 KM, od čega je 29.000,00 KM planirano za naknade članovima izborne komisije Tešanj a potrošeno 28.702,20KM , a 18.000,00 KM za angažman biračkih odbora i ostalo a potrošeno 17.734,62 KM.

Za provođenje Općih izbora sredstva su obezbijedena budžetom Centralne izborne komisije, te je za angažman biračkih odbora za rad na dan izbora uplaćeno 54.288 KM od čega se dio od 44.070,00 KM odnosi na neto naknade a 10.218,00 KM na poreze i doprinose.

OIK Tešanj nema primjedbi na podršku i saradnju Općine Tešanj. Do sada je svoj rad obavljala profesionalno, a sve aktivnosti je uspješno završavala u zadatim rokovima. U svom radu nije imala poteškoća, posebno što se tiče finansijskih sredstava, prostora i opreme za rad.

OIK Tešanj je vršila analizu svog rada i predloženo je da se za unapređenje svog daljeg rada nabavi IT oprema (laptop i prateća oprema) kako bi se poboljšala operativnost i efikasnost izborne komisije.

IV CENTAR ZA BIRAČKI SPISAK

Za Rukovodioca Centra za birački spisak Tešanj (CBS) Općina Tešanj je imenovala Ibrahimkadić Zahira.

Aktivnosti CBS tokom izvještajnog perioda su slijedeće:

- provjera za ukupno 425 umrlo lice da li se i dalje vode na Centralnom biračkom spisku
- dostavljeno je 47 izvještaja CBS (svaki ponedjeljak) Centralnoj izbornoj komisiji BiH,
- prati se i vrši primopredaja e-mail pošte između CIK BiH i OIK Tešanj,
- biračima su (po potrebi) date dodatne informacije i pojašnjenja vezano za Birački spisak,
- za potrebe izbora izvršena je dodjela neraspoređenih birača odgovarajućim biračkim mjestima, izvršena je optimizacija biračkih mjesta (do 1000 birača, optimalan broj 950 birača, te podpodjela prekomjernih biračkih mjesta A,B,C i D)

Na dan izbora za 341 birača date su informacije na kojem biračkom mjestu mogu glasati, a za birače koji su glasali na nepotvrđenim glasačkim listićima izdata su uvjerenja da se nalaze na CBS i da mogu glasati.

DOSTAVLJENO:

1. CIK BiH,
2. općinskom vijeću Tešanj
3. a/a



Zamjenski predsjednik OIK Tešanj

Edi Halilović